

四庫全書

集部

欽定四庫全書

石倉歷代詩選卷一百十八

明 曹學佺 編

晚唐拾遺五

李虞仲

初日照鳳樓

旭日煙雲殿朝陽燭帝居斷霞生峻宇通閣麗晴虛流  
彩連朱檻騰輝照綺䟽瞳矐晨景裏明滅曉光初戶牖

仙山近軒楹鳳翅舒還如王母過遙度五雲車

柴宿

初日照華清宮

靈山初照日遠近見離宮影動叅差裏光分縹緲中  
鮮飈收晚翠佳氣滿晴空林潤溫泉入樓深複道通  
璇題生炯晃珠綴引臆隴鳳輦何時幸朝朝此望同

石殷士

賦得日華川上動

曙霞攢旭日浮景弄晴川  
晃曜層潭上悠揚極浦前  
高時擁媚波遠漸澄鮮  
萍實空隨浪珠胎不照淵  
早暄依曲渚微動觸輕連  
孰假咸池望幽情得古篇

王約

賦得日暖萬年枝

靄靄彤庭裏沉沉玉砌陔  
初升九華日潛暖萬年枝  
煦姬光偏好青蔥色轉宜  
每因韶景麗長沐惠風吹  
隱映當龍闕氛氳隔鳳池  
朝陽光照處惟有近臣知

陶拱

賦得秋日懸清光

秋至雲容斂天中日景清  
懸空寒色淨委照曙光盈  
泣  
泣看彌上輝輝望最明  
煙霞輪乍透葵藿影初生  
鑒下應無極升高自有程  
何當迴盛彩一為表精誠

陳風

賦得冬日可愛

寒日臨清晝  
寥天一望時  
未消埋徑雪  
先暖讀書帷  
屬

思光難駐舒情影若遺  
晉臣曾比德謝客昔言詩  
散彩寧偏照流陰信不追  
餘暉如可就迴燭幸無私

庾承宣

前題

宿霧開天霽寒郊見初日  
林疎照逾遠冰輕影微出  
豈假陽和氣暫忘玄冬律  
愁抱望自寬羈情就如失  
欣欣事幾許瞳瞳狀非一  
傾心儻如期良願自茲畢

獨孤鉉

日南長至

玉歷頒新律凝陰發一陽輪輝猶惜短圭影此偏長躔  
度經南斗光流盡北堂乍疑同戶耀可愛逗林黃積雪  
銷微煦初萌動早芒更昇臺上望雲物已昭彰

徐敞

圓靈水鏡

浮光上東洛揚彩滿圓靈明滅淪江水盈虛逐砌莫不  
分沙岬白偏照海山青練色臨牕牖蟾光霽戶庭成輪

疑辭影初魄類弓形遠近凝清質依微出衆星

張聿

前題

鳳池開玉鏡清瑩瀉寡天影散微波上光含片玉懸菱  
花凝汎灑桂樹映清鮮樂廣披雲日山濤卷霧年濯纓  
何處去鑿物自堪妍迴首看雲液蟾蜍勢正圓

朱華

賦得海上生明月



皎皎秋中月團團海上生影開金鏡滿輪抱玉壺清漸  
出三山上將凌一漢橫素娥嘗藥去烏鵲繞枝驚照水  
光偏白浮雲色最明此時堯砌下莫英自將榮

劉闢

登樓望月

圓月當新霽高樓見最明素波流粉壁丹桂拂飛甍下  
瞰千門靜旁觀萬象生梧桐牕下影烏鵲檻前聲嘯逸  
劉琨興吟資庾亮情遊人莫登眺迢遞故鄉程

鄭綢

懷紫閣舊遊

中年偶逐鴛鴦侶弱歲多從麋鹿羣  
紫閣道流今不見紅樓禪客早曾聞  
松齋月朗星初散苔砌霜繁夜欲分  
一覽綵牋佳句滿何人更詠惠休文

楊發

與諸公池上待月

樹密池繁岫池遙水際空  
菱開方吐鏡蘋動欲含  
風漸

映莎汀白微分渚夜紅金波宜共賞仙棹一宵同

葉繼良

賦得月照水池

霽夕雲初斂棲娥月未虧圓光生碧海素色滿瑤池天  
迴輪空見波凝影詎窺浮霜珪比彩照像鏡同規皎潔  
寒偏淨徘徊夜轉宜誰憐幽境在長與賞心隨

陳潤

賦得秋河曙耿耿

曉望秋高夜微明欲曙河橋成鵲已去機罷女應過月  
上殊開練雲行類動波尋源不可到耿耿復如何

公乘億

賦得春風扇微和

麗日催遲景和風扇早春暖浮丹鳳闕韶媚黑龍津澹  
蕩迎仙仗霏微送畫輪綠搖官柳散紅待禁花新舞席  
皆迴雪歌筵暗送塵幸當陽律候惟願及佳辰

柳道倫

前題

青陽初入律淑氣應春風始辨梅花裏俄分柳色中依  
微開夕照澹蕩媚晴空拂水生蘋末經蟻觸桂叢稍抽  
蘭葉紫微吐杏花紅願逐仁風布將禪生植功

樊陽源

賦得風動萬年枝

珍木羅前殿乘春任好風振柯方裊裊舒葉乍濛濛影  
動丹墀上聲傳紫禁中離披偏向日凌亂半分空輕拂

祥烟散低搖翠色同長令占天眷四氣借全功

黃頤

賦得風不鳴條

五緯起祥飈無聲瑞聖朝稍開含露葉纔轉惹煙條  
葉應潛變低枝幾暗搖林間鶯欲嘯花下蝶微飄  
初滿緣埃草因生逐水苗太平無一事天外奏虞韶

裴耀卿

訓張九齡江上使風見示

茲地五湖鄰艱哉萬里人驚颺翻是托危浪亦相因宣  
室才華子金閨諷議臣承明有三入去去速歸輪

張嗣初

賦得白雲起封中

英英白雲起呈瑞出封中表聖寧因地逢時豈待風浮  
光彌皎潔派影更冲融自叶堯年美誰云漢日同金泥  
光乍掩玉簡氣潛通欲與非煙並亭亭不散空

周存

賦得白雲向空盡

白雲生遠岫，搖曳入晴空。  
乘化隨舒卷，無心任始終。  
欲銷仍向日，將斷或因風。  
勢薄飛難定，天高色易窮。  
影收元氣表，光滅太虛中。  
况若從龍去，還施潤物功。

李季何

立春日曉望三素雲

靄靄青春曙，飛仙駕五雲。  
浮輪初縹緲，承蓋下氤氳。  
薄影隨風度，殊容向日分。  
羽毛紛共遠，環珮杳猶聞。  
靜合



煙霞色遙將鸞鶴羣年年瞻此御應許從元君

林藻

賦得青雲干呂

應節偏干呂亭亭在紫氛  
綴雲初度影捧日已成文  
結蓋祥光迴為樓翠色分  
還同起封上更似出橫汾  
作瑞來藩國呈形表聖君  
徘徊如有託誰道比間雲

鄧倚

春雲

搖曳自西東，依林又逐風。  
勢移清道裏，影汎淥波中。  
夕霽方明日，朝陰復蔽空。  
度關隨去馬，出塞引歸鴻。  
色任寒暄變，光將遠近同。  
為霖如見用，還得助成功。

焦郁

前題

漫漫天崖色，乘春四望平。  
不分殘照影，何處斷鴻聲。  
繚繞先經塞，霏微近過城。  
因風低未斂，帶雨重還輕。  
干呂知時泰，如膏候歲成。  
小儒同品物，無以答皇明。

裴澄

前題

漠漠復溶溶，乘春任所從。  
映林初展葉，觸石未成峰。  
旭日消寒翠，晴煙點淨容。  
霏微將似滅，深淺又加重。  
薄彩臨溪散，輕雲帶雨濃。  
空餘負樵者，嶺上自相逢。

陸暢

山出雲

靈山蓄雲彩，紛紛出清晨。  
望樹繁花白，看峰小雪新。  
映

松張蓋影依澗布魚鱗高似從龍處低如觸石頻濃光  
藏半岫淺色類飄塵玉葉開天際遙憐占早春

檀約

陽春歌

青春獻初歲白日映雕梁蘭萌猶自短柳葉未能長已  
見紅花發復聞綠草香乘此試遊行誰知心獨傷

白行簡

春從何處來

欲識春生處先從木德來入門潛報柳度嶺暗驚梅透  
雪寒光散銷冰水鏡開曉迎郊騎發夜逐斗光回淑氣  
寅中變新聲雨後催偏宜資律呂應是候陽臺

于尹躬

南至日太史登臺書雲物

至日行時令登臺約禮文官稱伯趙氏色辨五方雲畫  
漏聽初發陽光望漸分司天為歲備持簡出人羣惠愛  
周微物生靈荷聖君長當有嘉瑞郁郁復紛紛

湯沐

登雲梯

謝客常遊處層巒枕碧溪經過殊俗境登陟象雲梯  
步勞山屐行行躡澗霓迴臨天路廣俯眺夕陽低賞詠  
情何愜風塵事已睽前脩如可慕投足固思齊

鄭常

謫居漁陽至白沙阻雨題驛

漁陽知近遠見說過湓城雲雨經春客江山幾日程終

隨驚鳥去祇待海潮生前路逢漁父多慙問姓名

李衢

都堂試貢士日慶春雪

錫瑞來豐歲旌賢入貢辰輕搖梅共笑飛弱柳和春遠  
砌封瓊屑依階噴玉塵蜉蝣吟更苦科斗映還新鶴吹  
迷難辨冰壺鑒易真因歌大君德率舞詠陶鈞

蘇綰

扈從溫泉奉和姚令公喜雪

漢主新豐邑周王尚父師雲符沛童唱雪應海神期林  
變驚春早山明訝夕遲况逢温液沛恩重御裘詩

陸長源

答東野夷門雪

好丹與素通不同失意得途事皆別東鄰少年樂未央  
南客思歸腸欲絕千里長河水復冰雲鴻冥冥楚山雪

李夔

為汴州司戶喜逢宋之問



阮籍蓬池上孤韻竹林才巨源從吏道正擁使車來相  
逢且交臂相命且銜杯醉後長歌畢餘聲逸吹臺

姚康

禮部試早春殘雪

微暖春潛至輕明雪尚殘銀鋪光漸濕珪破色仍寒無  
柳花常在非秋露正團素光浮轉薄皓質駐應難幸得  
依陰處偏宜帶月看玉塵銷欲盡窮巷起袁安

趙璜

正月

正月今朝半陽臺信未迴水芹寒不食山杏雨應開世  
網留三宿真源寄一杯因聲謝猿鳥歲宴會歸來

鄭黃

春臺晴望

追賞層臺迴登臨四望頻熙熙山雨霽處處柳條新草  
長秦城夕花宜漢苑春晴林翻度鳥紫陌閱行人旅客  
風塵厭山家夢寐親遷鶯思出谷騫翥待芳辰

徐敞

虹藏不見

迎冬小雪至應節晚虹藏玉氣徒成象星精不散光  
人初比色飛鳥罷呈祥石澗收晴影天津失彩梁霏霏  
空暮雨杳杳映殘陽舒卷應時令因知聖歷長

崔護

郡齋三月下旬作

春事日已歇池塘曠幽尋殘紅披獨墜嫩綠間淺深偃

仰捲芳褥顧步愛新陰  
謀春未及竟夏初遽見侵

庾抱

賦得胥臺露

胥臺既落構荆棘稍侵扉  
棟折連雲影梁摧照日暉  
翔鷲逐不及巢燕返無歸  
惟有團階露承曉共霑衣

顏粲

白露為霜

悲秋將歲晚  
絳露已成霜  
徧渚蘆先白  
霑蘿菊自黃  
應

鐘鳴遠寺擁鴈度三湘氣逼襦衣薄寒消野蔓長滿庭  
添月淨拂水斂荷香獨念蓬門下窮年在一方

張友正

春草凝露

蒼蒼芳草色含露對青春已賴陽和長仍慙潤澤頻日  
臨殘未滴風度欲成津蕙葉垂偏重蘭叢洗轉新將行  
愁裏逕欲采畏濡身獨愛池塘畔清華遠襲人

徐敞

賦得金莖露

武帝貴長生延年餌玉英銅盤滴珠露僂掌抗金莖拂  
曙氛埃斂凌空沆瀣清岌堯捧瑞氣籠從出宮城勢入  
浮雲聳形標霽色明大君當御宇何必去蓬瀛

孫顧

賦得清露被臯蘭

九臯蘭葉茂八月露花清稍與秋陰合還將曉色并向  
空羅細影臨水泣微明的皦添幽興羊綿動遠情夕芳

人未採初降鶴先驚為感生成惠心同葵藿傾

清如玉壺冰

玄律陰風勁堅冰在玉壺暗中花更出曉後色全無涸  
返誰能泮淒清詎可渝任圓空似璧照物不成珠素質  
情方契孤明道豈殊幽人若相比還得詠生芻

范傳質

薦冰

乘春方啓閉羞獻有常程潔朗寒光徹輝華素彩明色

凝霜雪淨影照冕旒清肅肅將崇禮兢兢示捧盈方圓  
陳玉座小大表精誠朝覲當西陸桃弧每共行

魚上冰

春生寒氣滅稍動伏泉魚乍喜東風至來觀曲浦初近  
冰朱鬣見望日錦鱗舒漸覺流澌退還忻掉尾餘噏喁  
情自樂沿泳意寧踈儻得隨鯤化終聽戾太虛

暢諸

早春



獻歲春猶淺園林未盡開雪和新雨落風帶舊冰來聽  
鳥聞歸鴈看花識早梅生涯知幾日更被一年催

李廓

夏日途中

樹夾炎風路行人正午稀初蟬數聲起戲蝶一團飛日  
色欺清鏡榆錢點白衣無成歸故里自覺少光輝

韋道遜

晚春宴

日斜賓館晚春輕  
麥候初簷喧巢幕  
燕池躍戲蓮魚石  
聲隨瀨響桐影傍  
巖踈誰能千里外  
獨寄八行書

紇干諷

賦得新陽改故陰

律管才催候寒郊  
忽變陰微和方應  
節積慘已辭林暗  
覺餘澌斷潛驚麗  
景侵禁城佳氣重  
北麓翠煙深有脚  
知遐布無私荷照  
臨韶光如可及鶯  
谷免幽沉

張聿

賦得首夏猶清和

早夏宜春景和光起禁城祝融將御節炎帝啟朱明日  
送殘花晚風過御苑清郊原浮麥氣池沼發荷英樹影  
臨山動禽飛入漢輕幸逢堯禹化全勝谷中情

崔寔

襄陽早秋寄岑侍郎

江城秋氣早旭旦坐南闌落葉驚衰髮清霜換旅衣時  
來矜早達事往覺前非誰念江水廣蹉跎心事違

李嶷

淮南秋夜呈同僚

天淨河漢高夜聞砧杵發清秋忽如此離恨應難歇風  
亂池上萍露光竹間月與君共遊處勿作他鄉別

姚倫

感秋

試向疎林望方知節候殊亂聲千葉下寒影一巢孤不  
蔽秋天鴈驚飛夜月烏霜風與春日幾度遣榮枯

于良史

冬日寄李贊府

地險朝陽滿天邊宿霧收風兼殘雪起河帶斷水流北  
關馳心極南圖尚旅遊登臨思不已何處得銷憂

楊厚

早起

星漢轉寒更伊余索寞情鐘催歸夢斷鴈引遠愁生危  
壁蘭光暗疎簾露氣清閒庭聊一望海日未分明

許康佐

賦得日暮碧雲合

日際愁陰生天涯暮雲碧重重  
初似蓋沉沉乍如積林  
山黯疑暝隙光俄已夕出岫  
且從龍紫空寧觸石餘輝  
澹瑤草浮影凝綺席時景詎  
能留幾思輕尺璧

熊孺登

前題

杳杳復蒼然無雲日暮天象  
分清氣外景盡赤霄前漸

吐星河色遙生水木煙從容難附麗  
願步欲澄鮮但見收三素何能測  
上玄應非慚獻瑞不許出山川

任希古

和長孫秘監伏日苦熱

玉署三時曉金羈五日歸  
北林開逸迳東閣敞閒扉  
池鏡分天色雲峰減日輝  
遊鱗映荷聚驚翰遶林飛  
披襟揚子宅舒嘯仰重闈

樂伸

閏月定四時

聖代承堯歷恒將閏正時六旬餘可借四序應如期分  
至寧懋素盈虛信不欺斗杓重指早灰琯再推遲羲氏  
兼和氏行之又則之願言符大化永永作元龜

厲元

元日觀朝

玉座臨新歲朝盈萬國人火連雙闕曉仗列五門春瑞  
雪銷駕瓦祥光在日輪天顏不敢視稱慶拜空頻



李元操

奉和正日臨朝

銅渾變秋節玉律動年仄曖曖城霞旦隱隱禁門開衆  
靈轅仙府百神朝帝臺葉令雙鳧至梁王駟馬來戈鋌  
映林闕歌管拂塵埃保章望瑞氣尚書免火災冠冕多  
秀士簪裾饒上才誰憐張仲蔚日暮反蒿萊

溫庭皓

上元唱和三首

一峰當勝地萬點照嚴城勢異崑岡發光疑玄圃生焚  
書翻見字舉燧不招兵况遇新春夜何勞秉燭行

其二

九枝應並耀午夜思悠然景集青山外螢分碧草前輝  
華侵月影歷亂寫星躔望極高樓上搖光滿綺筵

其三

春山收暝色燭火集餘輝麗景饒紅焰祥光出翠微白  
榆行自此青桂影相依惟有偷光客追遊欲忘歸

韋蟾

上元唱和

新正圓月夜猶重看燈時累塔嫌沙細成文訝筆遲歸  
牛疑燧落過鴈誤書遺生惜蘭膏燼還為隔歲期

陳潤

東都所居寒食

江南寒食早二月杜鵑鳴日暖山初綠春寒雨欲晴浴  
蠶看社日改火待清明更喜瓜田好令人憶邵平

來鵬

寒食山館書情

獨把一杯山館中，每經時節恨飄蓬。  
侵階草色連朝雨，滿地梨花昨夜風。  
蜀魄嗚來春寂寞，楚囚吟後月朦朧。  
分明記得還家夢，徐孺宅前湖水東。

胡曾

寒食都門

二年寒食住京華，寓目春風萬萬家。  
金絡馬銜原上草

玉釵人折路旁花  
軒車競出紅塵合  
冠蓋爭迴白日斜  
誰念都門兩行淚  
故園寥落在長沙

郭鄴

寒食寄李補闕

蘭陵士女滿晴川  
郊外紛紛拜古壇  
萬井閭閻皆禁火  
九原松柏自生煙  
人間後事悲前事  
鏡裏今年老去年  
介子終知祿不及  
王孫誰肯一相憐

孫昌胤

清明

清明暮春裏，悵望北山陲。  
燧火開新燭，桐花發故枝。  
沉冥慙歲物，歡宴阻朋知。  
不及林間鳥，遷喬共羽儀。

史延

清明日賜百寮新火

上苑連侯第，清明及暮春。  
九天初改火，萬井屬良辰。  
頒賜恩逾洽，承時慶并均。  
翠煙和柳嫩，紅燭出花新。  
寵命尊三老，祥光燭萬人。  
太平當此日，空復賀陶鈞。

王濯

清明日賜百寮新火

御火傳香殿華光及侍臣  
星流中使馬濯耀九衢人轉  
影連金屋分輝麗錦茵  
焰迎紅藥發煙染綠條  
春助律和風蚤添爐暖氣  
新誰憐一寒女猶望照東鄰

王表

清明日登城春望寄大夫使君

春城閒望愛晴天  
何處風光不眼前  
寒食花開千樹雪

清明日出萬家煙興來促席惟同舍醉後狂歌盡少年  
聞說鶯啼却惆悵詩成不見謝臨川

羅袞

清明登奉先城樓

年來年去只艱危春半堯山草尚衰四海清平者舊見  
五陵寒食小臣悲煙銷井邑隈樓檻雪滿川原泥酒卮  
拭盡賈生無限淚一行歸鴈遠叅差

來鵬



鄂渚清明日與鄉友登頭陀山

冷酒一杯相勸頻，異鄉相遇轉相親。  
落花風裏數聲笛，芳草烟中無限人。  
都大此時深悵望，豈堪高境更逡巡。  
思量費子真仙子，不作頭陀山下塵。

清明與友人遊玉粒塘莊

幾宿春山逐陸郎，清明時節好煙光。  
歸穿細荇船頭滑，醉踏殘花屐齒香。  
風急嶺雲翻迥野，雨餘田水落方塘。  
不堪吟罷東回首，滿耳蛙聲正夕陽。

羅袞

清明赤水寺居

榆火輕煙處處新  
旋從閒望到諸隣  
浮生浮世祇多事  
野水野花娛病身  
濁酒不禁雲外景  
碧峰猶冷寺前春  
蓑衣毳袖誠吾黨  
自結村園一社貧

張登

工已泛舟

令節推元已天涯喜有期  
初筵臨泛地舊俗被禳時  
枉

渚潮新上殘春日正遲竹枝遊女曲桃葉度江詞風鷓  
今方退沙鷗亦未疑且同山簡醉倒載莫寨惟

石倉歷代詩選卷一百十八

欽定四庫全書

石倉歷代詩選卷一百十九

明 曹學佺 編

晚唐拾遺六

張建封

競渡歌

五月五日天清明  
楊花繞江嘯曉鶯  
使君未出郡齋外  
江上早聞齊和聲  
使君出時皆有準  
馬前已被紅旗引

兩岼羅衣破暈香銀釵照日如霜及鼓聲三下紅旗開  
兩龍躍出浮水來掉影斡波飛萬劍鼓聲劈浪鳴千雷  
鼓聲漸急標將近兩龍望標目如瞬坡上人呼霹靂驚  
竿頭綵挂虹蜺暈前船搶水已得標後船失勢空揮橈  
瘡眉血首爭不定輸岼一朋心似燒只將輸贏分罰賞  
兩岼十舟五來往須臾戲罷各東西競脫文身請書上  
今吾細觀競渡兒何殊當路權相持不思得岼各休去  
會到摧車折檝時

盧拱

中元日觀法事

四孟逢秋序三元得氣中雲迎碧落步章奏玉皇宮壇  
滴槐花露香飄栢子風羽衣凌縹緲瑤轂輾虛空久慕  
餐霞客常悲習慕蟲青囊如可授從此訪鴻蒙

潘緯

中秋月

古今逢此夜共異汰寥明豈是月華別祇應秋氣清影

當中土正輪對八荒平  
尋客徒留望璿璣自有程

李吉甫

九日小園獨謔贈門下武相公

小園休沐暇暫與故山期  
樹杪懸丹棗苔陰落紫梨  
舞叢新菊徧繞樹古藤垂  
受露紅蘭晚迎霜白薤肥  
上公留鳳沼冠劍侍清祠  
應念端居者長慙補袞詩

李泌

奉和聖製重陽賜會聊示所懷

大唐造昌運品物荷時成  
乘秋逢令節錫宴歡羣情俯  
臨秦山川高會漢公卿未追赤松子且泛黃菊英  
賡歌  
聖人作海內同休明

裴達

南至日太史登臺書雲物

圓丘纜展禮佳氣近初分  
太史方簪筆高臺紀彩雲  
天容和縹緲曉色共氛氳  
道泰資賢輔年豐荷聖君  
恭惟同國瑞兼用察人文  
應念懷鉛客終朝望碧霧



王良士

南至日隔仗望含元殿爐烟

抗殿疏龍首高高接上玄節當南至日星是北辰天霜  
戟羅仙仗金爐引御烟霏微雙闕麗溶曳九門連拂曙  
祥光滿分晴瑞色鮮一陽今在厯生植願陶甄

崔琮

長至日上公獻壽

應厯三陽首朝天萬國同斗邊看子月臺上候祥風五

夜鏡初曉千門日正融  
玉階文物盛仙仗武貔雄  
率舞皆羣辟稱觴即上公  
南山為聖壽長對未央宮

白敏中

前題

候曉天門闕朝天萬國同  
瑞雲昇觀闕香氣映華叢  
日色臨仙禁龍顏對昊穹  
羽儀瞻百姓獻壽侍三宮  
化被君王洽恩沾草木豐  
自欣朝玉座宴此詠皇風

牛僧孺

和白樂天除夜

惜歲歲今盡少年應不知  
淒涼數流輩歡喜見孫兒  
暗減一身力潛添滿鬢絲  
莫愁花笑老花自幾多時

盧貞

和劉夢得歲夜懷友

文翰走天下琴樽卧洛陽  
貞元朝士盡新歲一悲涼  
名早緣才大官遲為壽長  
時來知病已莫歎步趨妨

周弘亮

除夜書情

何處風塵歲雲陽古驛前三冬不再稔曉日又明年春  
入江南柳寒歸塞北天還傷知候客花景對韋編

來鵬

鄂渚除夜書懷

鸚鵡洲前夜泊船此時形影共凄然難歸故國干戈後  
欲告何人雨雪天筋撥冷灰書悶字枕陪寒席帶愁眠  
自嗟落拓無成事明日春風又一年

李景

除夜長安作

長安朔風起窮巷掩雙扉  
新歲明朝是故鄉何路歸  
鬢絲饒鏡色隙雪奪燈輝  
却羨秦州鴈逢春盡北飛

劉臻

登思禪寺上方經脩竹茂林

上方幽且暮臺殿隱朦朧  
遠磬秋山裏清猿古木中  
衆溪連竹路諸嶺共松風  
儻許棲林下甘成白髮翁

王質

金谷園

寂寥金谷澗花發舊時園人事空懷古煙霞此獨存管  
絃非上客歌舞少王孫繁榮風驚散輕紅鳥乍翻山川  
終不改桃李自無言今日輕塵路淒涼詎可論

許堯佐

石季倫金谷故園

石氏遺文在淒涼見故園輕風思奏樂衰草憶行軒舞

榭荒苔掩歌臺墜葉繁斷雲歸舊壑流水咽清源曲渚  
殘虹斂叢篁宿鳥喧空餘林上月長似對金樽

楊發

小園秋興

誰言帝城裏獨作野人居石磴晴看疊山苗晚自鋤猶  
慙五秉粟尚癖一車書思昔揚雄宅還無卿相興

王表

大曆十四年侍郎潘炎試花發上林苑

御苑春何早繁  
花已繡林笑迎  
明主仗香拂美  
人簪地接樓臺  
近天垂雨露深  
晴光來戲蝶夕  
景動棲禽欲託  
凌雲勢先開捧  
日心方知桃李  
樹從此別成陰

弘執恭

劉生

英名振闕右雄  
氣逸江東遊俠  
五都內來去三  
秦中劍照七星  
影馬控千金驄  
縱橫方未息因  
茲定武功

童翰卿



省試昆明池織女石

一片昆明石千秋織女名  
向風長脉脉臨水更盈盈  
有臉蓮同笑無心鳥不驚  
岼雲連鬢濕沙月對眉生  
苔作輕裙色波為促杼聲  
還如明鏡裏形影自分明

張碧

題祖山人池上怪石

寒姿數片奇突兀曾作秋江秋水骨  
先生應是厭風雲  
著向江邊塞龍窟  
我來池上傾酒尊  
半酣畫破青煙痕

參差翠縷擺不落筆頭驚怪粘秋雲溶溶水墨有高價  
邀得將來倚松下鋪却雙繒直道難掉首空歸不成畫

陳存

穆陵路

西遊匣長劍日暮湘楚間歇馬上秋草逢人問故關孤  
村綠塘水曠野白雲山方念此中去何時此路還

俞簡

行不由徑

古人心有尚乃是孔門生為計安貧樂當從大道行詎  
應流遠迹方欲料前程捷徑雖云易長衢豈不平後來  
無枉路先達擅賢名一示遵途意微衷益自精

苗仲芳

仲秋太常寺觀公輅車拜陵

南宮初開律金風已戒涼拜陵將展敬車輅儼成行士  
庶觀祠禮公卿習舊章郊原佳氣引園寢瑞煙長鹵簿  
辭丹闕威儀列太常聖心何所寄惟德在無忘

朱延齡

秋山極天淨

雨洗高秋淨天臨大野閒  
葱蘢清萬象繚繞出層山  
日落千峰上雲銷萬壑間  
綠蘿霜後翠紅葉雨來殷散彩  
輝吳甸分形壓楚關  
欲尋霄漢路延首願登攀

僧神穎

和王季友題九華山

衆嶽雄分野九華鎮南朝  
彩筆凝空遠崔嵬寄青霄  
龍

卷一百十九  
渾古仙府靈藥今不凋瑩為滄海鏡煙霞作荒標造化  
心數竒性狀精氣饒玉樹鬱玲瓏天籟韻簫韶寂寂尋  
乳竇兢兢行石橋通泉漱雲母藉草縈香茗我住幽且  
深君賞昏復朝稀逢發清唱片片凌霜颺

曹汾

早發靈芝望九華寄杜使君

戴月早歸三秀館平明初辨九華峰嵯嵯玉劍寒鎧利  
裊裊青蓮翠色重怪狀却疑人畫出嵐光似為客添濃

行香若到五溪上此處褰幃正面逢

清遠道士

同沈恭子遊虎丘寺有作

我本長殷周遭罹歷秦漢四瀆與五岳名山盡幽窟及  
此寰區中始有近峰翫近峰何鬱鬱平湖渺瀰漫吟挽  
川之陰步上山之岝山川共澄澈光彩交凌亂白雲蒼  
欲歸青松忽消半客去川島靜人來山鳥散谷深中見  
日崖幽曉非旦聞子盛遊遨風流足詞翰嘉茲好松石

一言常累歎勿謂余鬼神忻君共幽贊

韓垂

題金山

靈山一峰秀岌然殊衆山根盤大江底影挿浮雲間雷  
霆常間作風雨時往還象外懸清影千載長躋攀

嚴鄙

望夫山

何代提戈去不還獨留形影白雲間肌膚消盡雪霜色

羅綺點成苔蘚斑  
江燕不能傳遠信  
野花空解妬愁顏  
近來豈少征人婦  
笑採薜蘿上北山

徐玠

日暮望涇水

道源經隴阪  
屬汭貫羸都  
下瀨波常急  
迴折溜亦紆  
毒流秦卒斃  
泥糞漢田腴  
獨有迷津客  
懷歸漸暮途

薛春惑

奉和進船洛水應制



禁園紆睿覽仙棹叶宸遊洛北風花樹江南彩畫舟榮  
生蘭蕙草春入鳳凰樓興盡誰言暮煙光起夕流

嚴公貺

題房公館漢州西湖

鳳池才未盡餘思鑿西湖珍木羅脩岍水光映坐隅琴  
臺今寂寞竹島尚縈紆猶蘊濟川志芳名終不渝

鄭澣

和李德裕遊漢川房公湖

太尉留琴聽時移重可尋  
徽絃一掩仰風月助登臨  
榮駐青油騎高張白雪音  
祇言酬唱美良史記王箴

崔護

三月五日陪裴大夫泛長沙東湖

上已餘風景芳辰集遠坳  
綵舟浮泛蕩繡轂下娉婷樓  
樹迴葱蒨笙歌入杳冥  
湖光迷翡翠草色醉蜻蜓  
鳥弄桐花日魚翻穀雨萍  
從今留勝會誰看畫蘭亭

錢餞

清溪館作

指途清溪裏左右惟深林雲蔽望鄉處雨愁為客心遇人多物役聽鳥時幽音何必滄浪水庶茲浣塵襟

吳翬

白雲溪

山逕入脩篁深林敞日光夏雲生嶂遠瀑水引溪長秀跡逢皆勝清氛坐轉涼回看玉樽夕歸路賞前忘

賈彥璋

蘇著作山池

水樹子雲家蓬瀛宛不賒芥浮舟是葉蓮發岫為花酌  
蟻開春甕觀魚憑海槎遊蘇多石友題贈滿瑤華

胡玠

廬山桑落洲

莫問桑田事但看桑落洲數家新住處昔日大江流古  
岼崩欲盡平沙長未休想應百年後人世更悠悠

劉敞

晚泊漢江渡

末秋雲木輕蓮坼晚香清雨下侵苔色雲涼出浪聲疊  
帆依坼盡微照映堤明渡吏已頭白遙知客姓名

夏侯楚

秋霽望廬山瀑布

常思瀑布幽晴眺喜逢秋一帶連青嶂千尋倒碧流濕  
雲應悞鶴翻浪定驚鷗星浦虹初下爐峰煙未收

楊發

秋晚日少陵原遊山泉之什

喧濁侵肌性未沉  
每來雲外恣幽尋  
塵衣更喜秋泉滌  
倦跡方依竹洞深  
暫過偶然應繫分  
有期終去且勞心  
惟憐一夜空山月  
似許他年伴獨吟

徐凝

送馬向遊蜀

遊子去咸京  
巴山萬里程  
白雲連鳥道  
青壁遞猿聲  
雨露經泥坂  
烟花望錦城  
工文人共許  
應記蜀中行

孟匡明

錢王將軍赴雲中

貳師憑廟略分閩佐元戎勢亞雕弓寵詩推金印雄關  
山橫代北旌節壯雲東日轉前茅影春生細柳風飲冰  
君令肅揮涕餞筵空佇聽陰山靜誰爭萬里功

李宣遠

并州路作

秋日并州路黃榆落照前孤城吹角罷數騎射鵬還帳

幕遙臨水牛羊自下山  
征人正垂淚烽火起雲間

李廓

送振武將軍

葉葉歸邊騎風頭萬里乾  
金粧腰帶重錦縫耳衣寒  
蘆酒燒蓬暖霜鴻撚箭看  
黃河古戍道秋雪白漫漫

紀唐夫

開成中執政惡溫庭筠擾場  
屈黜隨州縣尉送

之以詩



何事明時泣玉頻，長安不見杏園春。  
鳳凰詔下雖露命，鸚鵡才高却累身。  
且飲綠醪消積恨，莫辭黃綬拂行塵。  
方城若比長沙路，猶隔千山與萬津。

薛存誠

暮春自南臺丞再除給事中，仍是本廳几榻杖屨宛然如舊。

再入青瑣闈，忝官誠自非。  
拂塵驚物在，開戶似僧歸。  
積草漸無運，殘花猶灑衣。  
禁垣偏日近，行坐是恩輝。

陳潤

送駱徵君

野人膺辟命溪上掩柴扉  
黃卷猶將去青山豈更歸  
馬留苔蘚迹人脫薜蘿衣  
他日相思處天邊望少微

周墀

訓李常侍立秋日奉詔祭嶽見寄

秋祠靈嶽奉樽罍風過深林古栢開  
蓮掌月高珪幣列  
金天雨露鬼神陪質明三獻雖終禮  
祈壽千年別上杯

豈是瑣才能祀事弘農太守主張米

李景遜

寄華州周侍郎立秋日奉詔祭嶽

關河豁靜曉雲開承詔秋祠太守來  
山霽蓮花添翠黛  
路陰桐葉少塵埃  
朱幡入廟威儀肅  
玉珮升壇步武回  
往歲今朝幾時事  
謝君非重我非才

鄭馥

東都父老望幸

鑿輿秦地久羽衛洛陽空彼土雖憑固茲川乃得中龍  
顏覲白日鶴髮仰清風望幸誠逾邁懷來意不窮昔因  
封秦嶽今佇躡維嵩天地心無異神祇理亦同翠華翹  
渭北玉簡候關東衆願其難阻明君早勒功

王邕

嵩山望幸

峻極位何崇方知造化功降靈逢聖主望幸表維嵩隱  
映連青壁嵯峨同碧空象車因叶瑞龍駕願升中萬歲

聲長在千巘氣轉雄東都歌盛事西笑佇皇風

庾狄履溫

夏晚初霽南省寓直時兼尚書郎節度判官同

用餘字

薄宦因時忝涼宵寓直初沉沉仙閣閉的的暗更徐霽  
色連空上炎氛入夜除星廻南斗落月度北窗虛待漏  
殘燈照含芳襲氣餘寐來冠不解奏罷草仍書幕府慚  
良策明曹媿散擣命輕徒有報義重更難踈燕厦欣成

託鶴行濫所如晨趨當及早復此戒朝車

鄭軌

觀兄弟同夜成婚


棠棣開雙萼天桃照兩花  
方庭合珮響隔扇偶粧華  
迎風俱似雪映綺共如霞  
今宵二神女並在一仙家

陸暢

詔作催粧五言

雲安公主貴出嫁五侯家  
天母親調粉日兄憐賜花催

鋪百子帳待障七香車借問粧成未東方欲曉霞



石倉歷代詩選卷一百十九

欽定四庫全書

集部

石倉歷代詩選卷一百

二十一  
二十二

詳校官庶吉士臣范逢恩

侍讀臣孫球覆勘

總校官進士臣朱 鈐

校對官中書臣葉 蘭

謄錄監生臣李師弼



欽定四庫全書

石倉歷代詩選卷一百二十

明 曹學佺 編

晚唐拾遺七

今孤垣

釋奠日國學觀禮聞雅頌

肅肅先師廟依依胄子羣  
滿庭陳舊禮開戶拜清芬  
萬舞當華燭簫韶入翠雲  
頌歌當曉聽雅吹度風聞  
澹泊

調元氣中和美聖君惟餘東魯客蹈舞向南薰

李肱

試霓裳羽衣曲

開元太平日萬國賀豐歲梨園厭舊曲玉座流新製鳳  
管遞參差霞衣競搖曳宴罷水殿空輦餘香草細蓮壺  
事已久仙樂功無替誰肯聽遺音聖明知善繼

劉言史

王中丞宅夜觀舞胡騰

石國胡兒人見少，蹲舞蹲前急如鳥。  
織成蕃帽虛頂尖，細氎胡衫雙袖小。  
手中拋下蒲萄盞，西顧忽思鄉路遠。  
跳身轉轂寶帶鳴，弄脚續紛錦靴軟。  
四座無言皆瞋目，橫笛琵琶徧頭促。  
亂騰新毳雪朱毛，俯拂輕花下紅燭。  
酒闌舞罷絲管絕，木槿花西見殘月。

潘緯

琴詩

客來鳴素琴，惆悵對遺音。  
一曲起於古，幾人聽到今。  
畫

寒風靄遠日泛月燼深夙續水山操坐生方外心

魏瓘

湘靈鼓瑟

瑤瑟多哀怨朱絃且莫聽扁舟三楚客蕤竹二妃靈  
淅瀝聞餘響依稀欲辨形柱間寒水碧曲裏暮山青  
良馬悲銜草遊魚思繞萍知音若相遇終不滯南溟

王邕

前題

寶瑟和琴韻靈妃應樂章依稀聞促柱髣髴夢新粧波  
外聲初發風前曲正長淒清和萬籟斷續繞三湘轉覺  
雲山迥空懷杜若芳誰能傳此意雅會在宮商

鄭絅

寒夜聞霜鐘

霜鐘初應律寂寂出重林拂水宜清聽凌空散迥音春  
容時未歇搖曳夜方深月下和虛籟風前聞遠砧淨兼  
寒漏徹閒裏暑更侵遙想千山外泠泠何處尋

厲玄

緱山月夜聞王子晉吹笙

緱山明月夜岑寂  
隔塵氛紫府參差曲  
清宵次第聞韻  
流多入洞聲度半  
和雲拂竹鸞驚侶  
經松竊舞羣蟾光  
聽處合仙路望中  
分坐惜千岳曙遺  
音過汝墳

獨孤申叔

終南精舍月中間磬

精廬凝夜景天宇滅  
埃氛幽磬此時擊  
餘音幾處聞步

檐河漢度支策月中分斷絕如殘漏淒清不隔雲羈人  
方罷夢獨鴈忽迷羣

王丘

詠史

高潔非養正盛名亦險艱偉哉謝安石携妓入東山雲  
巖響金奏空水濫朱顏蘭露滋香澤松風鳴佩環歌聲  
入空盡舞影到池閒杳眇同天上繁華非代間卷舒混  
名跡縱誕無憂患何必蘇門子冥然閉清關

欽定四庫全書

石齋歷代詩選  
卷一百二十

張良璞

前題

享年八十已歷數窮蒼生七虎門源上咆哮關內鳴建  
都用鶉宿設險因金城舜曲煙火起汾河珠翠明海雲  
引天仗朔雪留邊兵作孽人怨久其亡鬼信盈素靈感  
劉季白馬從子嬰昏虐不務德百代無芳聲

韋楚老

祖龍行



黑雲兵氣射天烈壯士朝眠夢寃結祖龍一夜死沙邱  
胡亥空隨鮑魚轍腐肉偷生三千里偽書先賜扶蘇死  
墓接驪山土未乾瑞光已向芒碭起陳勝城中鼓三下  
秦家天地如崩瓦龍蛇掩亂入咸陽少帝空隨漢家馬

李涉

六歎

漢臣一沒零丁塞牧羊西過陰沙外朝憑南鴈信難回  
夜望北辰心獨在漢家茅土橫九州高門長戟分王侯

但將鐘鼓悅私愛肯以犬羊爲國羞  
夜霜寒雲卧冰雪  
嚴風獨及垂旌節  
丁年奉使白頭歸  
泣盡李陵衣上血

徐九舉

送部四鎮往單于別知故

天下今無事雲中獨未寧  
忝驅更戍卒方遠送邊庭  
馬飲長城水軍占太白星  
國恩行可報何必守經營

顏粲

吳宮教美人戰

有客陳兵畫功成欲霸吳玉顏承將略金鈿指軍符轉  
佩風雲暗鳴輦錦繡趨雪花頻落粉香汗盡流珠掩笑  
誰欺令嚴刑必用誅至今孫子術猶可靜邊隅

李約

從軍行

看圖閒教陣畫地靜論邊烏壘天西戍鷹姿塞上川路  
長惟算月書遠每題年無復生還望翻思未別前

崔鉉

凱旋進詩

邊陲萬里注恩波  
宇宙羣方洽凱歌  
右地名王爭解甲  
遠方戎壘盡投戈  
煙塵永息三秋戍  
瑞歲遙清九折河  
共偶聖明千載運  
更觀俗阜與時和

張友正

賦得錦帶佩吳鉤

帶劍誰家子  
春朝紫陌遊  
結邊霞聚錦懸  
處月隨鈎  
綵縷迴文出  
雄芒練影浮  
葉依花裏艷  
霜向鈎中秋的  
爍

明驄馬欄編映綺表應須待報國一列月文頭

劉真

九老會

垂絲今日幸同筵  
朱紫居身是大年  
賞景尚知心未退  
吟詩猶覺力完全  
閒庭飲酒連三月  
在席權豪象七賢  
山茗煮時秋霧碧  
玉杯斟處彩霞鮮  
臨階花笑如歌妓  
倚竹松聲當管絃  
雖未學窮生死訣  
人間豈不是神仙

崔備

使院憶山中道侶兼懷李約

松竹去名嶽，蘄茅思舊居。山君水上印，天女月中書。  
舊帙芸香在，空奩藥氣餘。褐衣寬易攬，白髮少難梳。  
病柳傷摧折，殘花惜掃除。憶巢同倦鳥，避網甚跳魚。  
阮巷慙交絕，商巖愧跡疎。與君非宦侶，何日共樵漁。

李約

城南訪裴氏昆季

相思起中夜，夙駕訪柴荆。早霧桑柘隱，曉光谿澗明。  
村

蹊蒿棘間往往斷新耕貧野煙火微盡無烏鳶聲田頭  
逢餉人道君南山行南山千里峰盡是相思情野老無  
拜揖村童多髡形相呼看車馬顏色喜相驚荒圃雞豚  
樂頽牆木莠生欲君知我來壁上空書名

楊夔

金陵逢張喬

殊鄉會面時辛苦兩情知有志年空過無媒命亦奇吟  
餘春漏急話舊酒巡遲慷慨如堪倚休驚髮上絲

蘇廣文

自商山宿陶令舊隱

間道夜源堪避秦，尋幽數日不逢人。  
煙霞洞裏無雞犬，風雨林中有鬼神。  
黃公石上三芝秀，陶令門前五柳春。  
醉卧白雲閒入夢，不知何物是吾身。

蕭祐

奉陪相公西亭夜宴陸郎中

弘閣陳芳宴嘉賓，此會難交逢貴日。  
重醉得少時歡飲。



黛凝歌思求音足筆端一聞清佩動珠玉夜珊珊

羊昭業

奉和襲美見留小宴次韻

澤國春來少遇晴有花開日且飛觥  
王戎似電休推病周顛纔醒衆却驚  
芳景漸濃偏熟酒暖風初暢欲調鶯  
知君不肯燃官燭爭得華筵徹夜明

鄭史

秋日零陵與幕下諸賓遊河夜宴

湘月蘋風乍暢襟燭前江水練千尋新秋宋玉能為賦  
永夕素宏好共吟輦下翠鵝須強展樽中綠蟻且徐斟  
汀沙漸有珠凝露緩棹蘭橈任夜深

鄭錫

邯鄲少年行

霞鞍金口騮豹袖紫貂裘家住叢臺下門前漳水流喚  
人呈楚舞借客試吳鉤見說秦兵至甘心赴國讐

李廓

長安少年行

金紫少年郎，統街鞍馬狂。  
身從左中尉，官屬右春坊。  
荆戴揚州帽，重薰異國香。  
垂鞭踏青草，來去杏園芳。

其二

戟門連日閉，苦飲惜殘春。  
開鎖通新客，教姬屈醉人。  
清歌牽白馬，自舞踏紅茵。  
時輩皆相許，平生不負身。

其三

新年高殿上，始見有光輝。  
玉鴈排方帶，金鶴立仗衣。  
酒

深和挽賜馬疾打珂飛朝下人爭看香街意氣歸

其四

小婦教鸚鵡頭邊喚酒醒  
犬嬌眠玉簾鷹掣撼金鈴  
碧地攢花障紅泥待客亭  
雖然長按曲不飲不魯聽

柳莊

劉生

四座驚稱孟英雄  
道姓劉廣陌通朱邱  
大路起青樓要  
賢驛已置留客轄  
仍投光斜日下霧庭陰  
月上鈎

張爲

秋醉歌

金風颭已起，還是招漁翁。  
携手天姥岑，自彈嶧陽桐。  
脫却登山履，赤脚翹青筇。  
泉聲掃殘暑，猿臂攀長松。  
翠微泛樽綠，苔蘚分煙紅。  
造化處，術內相對數壺空。  
醉眠嶺上草，不覺夜露濃。  
一夢到天曉，始覺一醉中。  
皎然夢中路，直到瀛州東。  
初平把我臂，相與騎白龍。  
三留對上帝，黃流十二重。  
上帝賜我酒，送我敲金鐘。  
寶閣香歛苒琪

樹寒玲瓏動葉如笙簧音律相怡融珍重此一醉百骸  
出樊籠長如此夢魂永謝喬與松

馬異

暮春醉中寄李予

歡異且交親酒生開甕春不須愁犯卯且乞醉過申折  
草為籌筓鋪花作錦茵嬌鶯解言語留客也殷勤

李涉

醉中贈崔膺

與君兄弟匡嶺故與君相逢揚子渡白浪南分吳塞雲  
綠楊深入隋宮路隋家文物今雖改舞館歌臺今尚在  
煬帝陵邊草木深汴河流水空歸海今古悠悠人自別  
此地繁華終未歇大道青樓夾翠烟瓊墀繡帳開明月  
與君一言兩相許外捨形骸中爾女揚州歌酒不可追  
洛神映箔湘妃語白馬黃金爲身置誰能獨羨他人醉  
暫到香爐一夕間長展愁眉百世事君看白日光如箭  
一度別來顏色變早謀侯印佩腰間莫遣看花鬢如霰

鄭顥

續夢中十韻

間歲流虹節歸軒出禁局  
奔波流畏景瀟灑夢殊庭  
境象非曾到崇巖昔未經  
日斜烏歛翼風動鶴梳翎  
異苑人爭集涼臺筆不停  
石門霧露白玉殿莓苔青  
若匪灾先兆何緣思入冥  
御爐虛仗馬華蓋負云亭  
白日成千古金滕閱九齡  
小臣衰絕筆湖上泣青萍

蘇廣文



夜歸華山因寄幕府

山村寥落野人稀，竹裏衡門掩翠微。  
溪路夜隨明月入，亭皋春伴白雲歸。  
嵇康懶慢仍耽酒，范蠡逋逃久拂衣。  
汀畔數鷗閒不起，只應知我也忘機。

鄭常

寄邢逸人

羨君無外事，日與世情稀。  
地僻人難到，溪深鳥自飛。  
儒衣荷葉老，野飯藥苗肥。  
疇昔江湖意，如今憶共歸。

蘇廣文

春日過田明府遇焦山人

陶公歸隱白雲溪  
買得春泉溉藥畦  
夜靜林間風虎嘯  
月明枝上露禽棲  
陳倉邑吏驚烽火  
太白山人訝鼓鼙  
相見只言秦漢事  
武陵溪裏草萋萋

李幼卿

寄獨孤至之

近日霜毛一番新  
別時芳草兩迴春  
不堪花落苑開處

况是江南江北人，薄宦龍鐘心懶慢。  
故山寥落水齋淪，緣君愛我疵瑕少。  
願竊仁風寄老身。

陳政

贈竇蔡二記室

崑山積良寶，大厦構衆材。  
馬卿委官去，鄒子背淮來。  
風流信多美，朝夕豫平臺。  
逸翮獨不羣，清才復道上。  
六輔昔惟名，二江今振嚮。  
英華雖外發，磨琢終內朗。  
四海奮羽儀，清風久播馳。  
沈鬱林難厠，青山翻易阻。  
迴首望煙

卷一百二十  
霞誰知慕儔侶飄然不繫舟為情自可求若奉西園夜  
浩想北園愁無因逐萍藻從爾泛清流

楊凌

奉酬韋滁州寄示

淮陽為郡暇坐惜流芳歇散懷累榭風清暑澄潭月陪  
燕辭三楚戒途綿百粵非當遠別時雅奏何由發

楊洵美

答李昌期

三山載羣仙峨峨鹹浪中雲衣剪不得此路安可從我  
生亦何事出門如飛蓬白日入黃昏所悲瑤草空蟲螿  
故鄉夢枕上禾黍風吾道如未喪天運何時通

李逢吉

酬致政楊祭酒見寄

初還相印罷戎旃護守皇居在紫煙安比鄴侯功蔑爾  
每懷疎傳意悠然應將半俸霑閭里料入中條訪洞天  
十載別離那可道倍令驚喜見來篇

李觀

宿裴友書齋

卧君山窓下山鳥與我言清風何颼颼  
松柏中夜繁只遊失歸趣宿此似故園  
林煙還近郊谿水落古原穉子不待曉  
花間出柴門

章八元

歸桐廬舊居寄嚴長史

昨辭天子棹歸舟家在桐廬憶舊丘  
三月暖時花競發

兩溪分處水爭流，近聞江老傳鄉語。  
遙見山家減旅愁，或在醉中逢夜雪。  
懷賢應向剡川遊。

陸長源

酬孟十二新居見寄

大道本夷曠，高情亦冲虛。因隨白雲意，偶逐青蘿居。  
青蘿分蒙密，四序無慘舒。餘清濯子衿，散彩還吾廬。  
去歲登美第，榮名在公車。將必繼管蕭，豈惟躡應徐。  
首夏尚清和，殘芳徧丘墟。褰幃蔭窓柳，汲井滋園蔬。  
達者貴知

心古人不顯除愛君  
蔣生逕且著茂陵書

鄭雲叟

山居

不見有人尋移菴更入深  
落花流澗水明月照松林  
醉勸頭陀酒閒教孺子吟  
身同雲外鶴斷得世塵侵

又

不求朝野知卧見歲華移  
採藥歸侵夜聽松飯過時  
荷竿尋水釣背局上崑崙  
祭廟人來說中原正亂離



楊顏

田家

小園足生事尋勝日傾壺蒔蔬利于鬻纔青間已無四  
隣因野竹日夕採其枯田家心適時春色徧桑榆

權澈

題沈黎城

蘇子卧北海馬翁渡南洲迹恨事乃立功達名遂休夜  
間羽書至召募此邊州鐵騎耀楚甲玉匣橫吳鉤雪厚

羣山凍蓬飛荒塞秋久戍  
曷辭苦數戰期封侯不學  
豎儒輩談經空白頭

崔魯

春晚岳陽城言懷

煙花零落過清明異國光陰  
老客情雲夢夕陽愁裏色  
洞庭春浪坐來替天邊一  
與舊山別江上幾看芳草深  
獨凭欄千意難寫暮笳鳴  
軋滿孤城

陳存

寓居武丁館

暑雨飄已過涼颺觸幽衿  
虛館無喧塵綠槐多晝陰  
俯視古苔積仰聆早蟬吟  
放卷一長想閉門千里心

賀蘭朋吉

客舍喜友人相訪

荒居無四隣誰肯訪來頻  
古樹秋中葉他鄉病裏身  
鴈聲風送急螢影月流新  
獨爲成名晚多慙見友人

韋蟾

道林寺

石門迥接蒼梧野，愁色陰深二妃寡。  
廣殿崔嵬萬壑間，長廊詰曲千巖下。  
靜聽林飛念佛鳥，細看壁畫馱經馬。  
暖日斜明蟬竦梁，濕煙散冪鴛鴦瓦。  
北方部落檀香塑，西園文書貝葉寫。  
壞欄迸竹醉好題，官路垂藤疲堪把。  
沈裴筆力鬪雄壯，宋杜詞源兩風雅。  
他方居士來施齋，彼岍上人投結夏。  
非我未離擾擾徒，勸我休學悠悠者。  
何時得與劉遺民，同入東林遠公社。

崔珏

道林寺

臨湘之濱麓之隅西有松寺東岸無松風十里擺不斷  
竹泉瀉入於僧厨宏梁大棟何足貴山寺難有山泉俱  
四時惟夏不敢入燭龍安敢停斯須遠公池上種何物  
碧羅扇底紅鱗魚門閣朝鳴大法鼓天宮夜轉三乘書  
野花市井裁不看山雞飲啄聲相呼金鑑僧迴步步影  
石盆水濺聯聯珠北臨高處日正午舉手欲摸黃金烏

遙江大船小於禁遠村雜樹齊如蔬潭州城郭在何處  
東邊一片青模糊今來古往人滿地勞生未了歸丘墟  
長卿之門久寂寞五言七字誇規模我吟杜詩清入骨  
灌頂何必須醍醐白日不照耒陽縣黃天厄死饑寒軀  
明珠大貝採欲盡蚌蛤空滿赤沙湖今我題詩亦無味  
懷賢覽古成長吁不如興罷過江去已有好月明歸途

王琚

遊灩湖上寺

春山臨遠壑，水木自幽清。  
夙志懷微尚，茲焉一況情。  
雲間聽弄鳥，煙上摘初英。  
地側方無悶，逾知道思精。

溫會

登武擔寺西臺

桑臺煙樹中，臺榭造雲空。  
眺聽逢秋興，篇辭變國風。  
坐愁高鳥處，笑指遠人同。  
始愧才情薄，躋攀繼韻窮。

姚康

和前題

金史卷一百二十  
卷一百二十  
松徑引清風登臺古寺中江平沙岬白日下錦川紅  
樹山根淨深雲鳥跡窮自慙陪末席便與九霄通

段文昌

前題

秋天如鏡空樓閣盡玲瓏水暗餘霞外山明落照中  
鳥行者漸遠松韻聽難窮今日登臨意多歡語笑同

辛替否

奉和九月九日登慈恩寺浮圖



洪慈均動植至德俯深玄出豫從初地登高適梵天白  
雲飛御藻慧日暖皇編別有秋原藿長傾雨露緣

麴瞻

前題

扈蹕遊玄地陪仙瞰紫微似邁銖衣劫將同羽化飛雌  
戈秋日麗寶劍曉霜霏獻觴乘菊序長願奉天暉

張景源

前題

飛塔凌霄起宸遊一屆馬金壺新泛菊寶座即披蓮就  
日搖香輦憑雲出梵天祥氛與佳色相伴雜爐煙

許玳

題鴈塔

寶輪金地歷人寰獨坐蒼冥啟玉關北嶺風煙開魏闕  
南山氣象鎖商顏灞陵車馬垂楊裏京國城池落照間  
斃放塵心遊物外六街鐘鼓又催還

成崿

登聖善寺閣望龍門

高閣聊登望，遙分禹鑿門。  
刹連多寶塔，樹滿給孤園。  
香境超三界，清流振六渾。  
報慈弘孝理，道行闢真源。  
空淨祥煙霽，時明愛日溫。  
願從初地起，長奉下生尊。

鄭畋

題猴山王子晉廟

有昔靈王子，吹笙遡沆寥。  
六宮攀不住，三島去相招。  
亡國原林古，賓天歲月遙。  
無蹊窺海曲，有廟訪山椒。  
石帳

龍蛇拱雲籠綵翠銷露壇裝琬琰真像寫松喬珠館青  
童宴琳宮阿母邀氣輿仙女侍天馬吏兵調湘妓紅絲  
瑟秦郎白管簫西城要綽約南嶽命嬌嬈向曲觴金洞  
天台嘯石橋晚花珠弄藥春茹玉生苗二景神光秘三  
元寶籙饒露垂鷗翅髮冰束虎章腰鶴馭爭銜箭龍奴  
合獻綃衣從星渚浣丹就日宮燒物外花常滿人間葉  
自凋望臺悲漢戾閔水笑梁昭古殿香殘地荒階柳長  
條幾曾期七日無復降重霄嵩嶺連天漢伊蘭入海潮

何由得真訣使我佩環搖

費冠卿

秋日與冷然上人寺莊觀稼

世人從擾擾獨自愛身閒  
美景當新霽隨僧過遠山村  
橋出秋稼空翠貯澄灣  
惟有中秋月猶應望我還

張少博

尚書郎上直間春漏

建禮含香處重城待漏辰  
徐聲傳鳳闕曉唱辨雞人  
銀

箭聽將盡銅壺滴更新催籌當五夜移刻及三春杳  
從天遠泠泠出禁頻直廬殘響曙肅穆對鈞陳

雪後觀象闕待漏

玉漏移中禁齊車入太清漸知催辨色後聽續餘聲乍  
逐微風轉將因雜珮輕青樓人罷夢紫陌騎將行殘魄  
樓初盡餘寒滴更生慙非朝謁客空有振衣情

莫宣卿

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘候  
曉車與合凌霜環珮寒星河猶皎皎銀箭尚珊珊香霏  
祥光起霏微瑞氣攢欣逢聖明代長願接駕鸞

胡權

賦得濟川用舟楫

渺渺水連天歸成想幾年孤舟亂曲岍輕楫濟長川去  
指波濤雪迴瞻島樹煙心迷滄海上目斷白雲邊泛濫  
雖無定維持且自專還如聖明代理國用英賢

仲子陵

秦鏡

萬里秦時鏡從來抱至精  
依臺月自吐在匣水常清  
爛金光發澄澄物象生  
雲天皆洞鑑表裏盡虛明  
但見人窺膽全勝響應聲  
妍媸定可識何處更逃情

李廓

鏡聽詞

匣中取鏡辭竈王  
羅衣掩盡明月光  
昔時長著照容色



今夜潛將聽消息門前地黑人來稀無人錯道朝夕歸  
更深弱體冷如鐵繡帶菱花懷裏熱銅片銅片如有靈  
願得照見行人千里形

石倉歷代詩選卷一百二十